

Sier Anzolo Michiel fo di sier Hironimo qu. sier Anzolo dotor	80.123
Sier Zuan Marzelo di sier Donado qu. sier Antonio	88.115
Sier Andrea Loredan, fo savio ai ordini, qu. sier Bernardin	70.136
Sier Andrea Bolani, fo savio ai ordini, qu. sier Alvise, qu. sier Marco procurator	117. 91
Sier Francesco Morexini, fo patron a Baruto, qu. sier Antonio	97.106
Sier Francesco Zen qu. sier Alvise, fo patron in Alexandria	73.139
† Sier Michiel Capelo, el XL criminal, qu. sier Giacomo	123. 82
Sier Almorò di Prioli qu. sier Bernard, qu. sier Piero procurator	111. 91
Sier Vicenzo Grimani di sier Francesco da San Cassan	105.103
Sier Nicolò Bon, fo auditor vechio, qu. sier Domenego	79.123.
Sier Marco Antonio Corner qu. sier Polo da San Thomado	103.102
Sier Sebastian Falier, fo patron a qu. sier Thomà	105. 98
Sier Antonio Erizo di sier Batista	78.131
Sier Zacaria Bembo, fo provedador a Bassano, qu. sier Francesco	44.163
Sier Piero Loredan qu. sier Marco, qu. sier Alvise procurator	112. 90
Sier Hironimo Foscarini, fo ai X Savii, di sier Andrea	74.126
Sier Zuan Contarini, fo savio ai ordini, qu. sier Alvise, qu. sier Bertuzi procurator	95.106

A dì 24. La matina non fo letere di far alcuna nota, *solum* in corte di Palazzo achadete che sier Carlo di Prioli, fo di sier Constantin, va consolo a Damasco, da Nicolò Brevio gastaldo dil Serenissimo con tre comandadori fo retenuto, et volendolo menar a le preson, per una sententia di Consoli di ducati 130 dia dar a uno domino Petro de Oxonicha bergamasco, sier Zuan Francesco Mocenigo qu. sier Lunardo et sier Marco Loredan qu. sier Antonio el cavalier procurator ge lo tolseno di man, sichè scapolò, e il gastaldo protestò lassarge far el suo offitio, e che 'l Mocenigo pageria lui. Hor con villanie il Prioli scapoloe.

Da poi disnar, fo Colegio di Savii, per dar au-

dientia. Et in questa matina, redute le Quarantie per il caso di Pario, parlò domino Bortolamio da Fin dotor avochato dil signor Alberto di Andre per la opinion dil Bragadin e ben, et poi disnar *etiam* reduti, parlò domino Petro de Oxonicha per Francesco Summaripa vechio, et domino Thomaso Zanachin dotor avochato per il ducha di Nixia, et non balotono. Zuoba si parlerà *etiam*.

Da Ragusi, fo letere di Iacomo di Zulian, 40^a di . . . di questo. Qual par habi da Constantinopoli, l'armata non è risolta dil tutto, ma per questo anno non ussirà gran numero di vele. Et fo letere di sier Andrea Morexini qu. sier Battista et Lorenzo Belochio marchadanti di Aleppo, che sono venuti a Constantinopoli per le sede li sono tolte per comandamento dil Signor turcho. Scriveno di 20 Zugno, par l'armada ancora non sia risolta, ma sta cussi.

A dì 25. Fo San Giacomo. La matina, fo letere di le poste di Franza, di do oratori Badoer e Zustignan, di 12, date a Poesè. Come erano venuti li, et il Justinian non havia potuto expedirsi per la Raina, qual per la gravedanza era indisposta, e vuol tuor combiato dal Re. Era stato con la Christianissima Maestà, qual era a San Zermano a soliti piaceri, lege una lontan de li, et parlato di questo abochamento e di la gran amicitia fata col Serenissimo re di Anglia, al qual ha scritto li par stranio non esser insieme e si 'l vol tornerà di novo ai lochi soliti per abrazarsi et vedersi. Quella Maestà li ha corisposto con gratissime parole che non si movi, et sempre saranno unitissimi, et che vol esser a parlamento con la Cesarea Maestà, e non si dubiti che l'Imperador vengi in Italia, et che 'l vol che l'habi tutto il suo Stado, qual sarà di sua fiola maridada in suo fiol, qual vol resti reina di Franza etc., sichè il Re tien, Anglia non lasserà mai venir l'Imperador con arme a coronarsi in Italia. Scrive, come hanno di Spagna, quelli grandi esser sussitadi, e cazadi quelli posti al governo per il Re, con bastonate e rotture de braze, et hanno electi altri al governo per nome de la Raina madre de l'Imperador che li in Spagna se ritrova, qual voleno per Raina, e che 'l Cardinal di . . . restado a Toledo al governo, *etiam* lui è stà privo di quello.

Di Anglia, di sier Antonio Surian dotor et 41 cavalier orator nostro, date a Cales, a dì 7. Come atendevano a far le preparation per lo abochamento con la Cesarea Maestà, et che 'l Re dia passar certa aqua che partisse li confini dil regno di Anglia da quel di Fiandra, et poi l'Imperator verà a Cales, et starano *solum* 4 zorni insieme, poi el